



Karim SAHIB | AFP

IKUSMIRA

MUSULMANAK ZUTIK, SAUD FAMILIAREN INTERESEN ARABERA

Meka (Saudi Arabian) islamaren hiri santuena da, urte-
ro milaka (bi milioi inguru aurtan) erromes musulmanek
bisitatua. Bertan Muhammad profeta jaio omen zen
orain hamalau mende eta fededunek uste dute hiriak
ekialdean duen Arafat mendian (irudian) eskaini zuela
bere azken sermoia. Horregatik zuriz jantzita Wuquf

(zutik egon) izeneko erritua egin zuten ostegunean. Mekarako erromesaldiak herrialdean nagusi
den Saud familiaren interesen arabera egiten dira, ordea, ateak ixten baitizkiete etsaitzat hartu-
tako estatuetako pertsonei. Horixe egin zuten orain urte batzuk Irangoekin, eta aurtan Qatarre-
koekin. Beste erlijioekin gertatu moduan, gizaki boteretsuenek bahitu egin zuten «Jainkoa» eta
geroztik beraien posizioa indartzeko erabiltzen dute, saudtarren kasuan, wahabismo joera ezin
atzerakoiagoa zabaltzeko. Azken eraso jihadisten ondoren, salatu dira Estatu espainolak horiekin
egindako negozioak, baina paradisiko giltzarekin segitzen dute. joseangel.oria@gaur8.info